

淮鹽紀要

李膺

編者林振翰蔚文



戊辰年四十五歲

C. H. Lin

5w71/718/01

劉序

吾友林君蔚文風格迥上精力過絕人爲鹽官近二十年所至必蒐討故實研極事理洞知其嬗化之所由以爲措施之準同時輩流中殆罕其匹平生無聲色飲博之好旣勤於治事復勇於著書曩與余共治蜀巖時習見其書了公事日晏返寓廬檢故籍伏案奮筆累數紙乃已旣臥意有所觸卽振鐙就枕上記之其刻苦自勵如此在蜀成川鹽紀要一書入浙成浙鹽紀要一書各十餘萬言余旣先後以言弁其端嘗戲謂蔚文今後子成一編吾必贅一序將附君以傳今者蔚文官淮南丁兵戈擾攘之會獨毅然摻拄危局不稍隳其職責復能以餘力成淮鹽紀要又十餘萬言於綱票之沿革場產之盈虛運銷之狀況職官之設置及淮巖所以殊異於他省者皆備紀之言淮鹽而湘鄂贛皖之鹽法賅焉蓋視川浙所撰錄者加詳矣余由蜀量移歷淮北河東晉北花定各區黽勉從事蘄所以稱吾職者未敢後蔚文而殫心著述卓然成一家言俾後之治鹽政者有所取鏡則唯有避君三舍耳抑吾國產鹽之區川浙兩淮而外皆有亟待纂輯者顧安得如蔚文者一一發其局哉民國十六年六月閏侯劉謙安序

自序


浙鹽紀要刊成之明年丙寅初夏予由浙奉調來淮又得以實地考察淮鹽年餘積稟盈尺復循川浙紀要體例編纂成書嗜痂之癖抑有不能自己者竊維自昔鹽務以兩淮爲最產額之豐銷地之廣課稅之鉅爲他區所弗及而弊竇叢滋積習疲玩亦各省所未見當雍乾時兩淮號稱極盛鹽商恩寵旣隆益務報效迨商力困乏則借帑調劑卒至引滯課虧弊端百出迄嘉道間敗壞極矣於是朝野士夫競談鹽利尤集中兩淮一若淮鹽一治而無不治也者陶澍時督兩江順潮流所趨倡議改綱爲票試行於淮北後陸建瀛復仿行於淮南均成效大著惜不數歲卽值軍興良法中阻不行同治三年江督曾國藩重整淮鹺定保價整輪之制票法爲之一變其後李鴻章馬新貽更將南北票鹽先後改爲循環轉運令票商報捐票本准許領票永遠行鹽名曰寓綱於票陶陸兩氏艱難締造之票法至此根本剷除矣洎乎民國成立南通張謇總理兩淮鹽政以改革自任卒因阻力未底於成豈非常之事雖有非常之人尤必待非常之時耶予嘗以醫疾比治鹽淮鹽病源所在盡人皆知非尙待切脈辨症之川鹽亦不同諱疾忌醫之浙鹽醫案猶存刀圭具在時乎時世有陶澍陸建瀛其人將馨香禱祀以求之矣民國十六年丁卯仲冬寧德林振翰序於揚州鹽務稽核分所

例言


- 一本書範圍係包括淮南淮北及鄂湘西皖四岸在內
- 一本書內容分四篇一沿革二場產三運銷四職官每篇復分章節藉便省覽
- 一淮鹽產銷場岸分別繪圖攝影冠諸編首俾閱者可按圖而索
- 一所有表式爲便翻閱均以類相從不另列編
- 一附刊專件係於淮鹽有關文字擇尤選登
- 一規程門係專載兩淮單行法規章程其全國通行規程概未加入
- 一編中資料除得諸耳聞目見外或選錄私家著作或採取官書報告祇期詳確無分畛域
- 一是書係編者個人著述與機關絲毫無涉幸乞諒察

編者識


濟南場發竈糧圖




濟南場車水圖



濟南場礮格圖




濟南場盤滷圖




濟南鹽種場




濟南鹽划場



濟南場併廩圖




濟南大場廩圖



濟南場捆鹽圖



濟南場上駁圖



(廩坨頭碼堆運船駁由包鹽卽)圖廩落場南濟






圖 廩 坨 鹽 頭 碼 場 南 濟



濟南碼頭鹽包上輪船圖




濟南場洋橋圖



濟南大德公司西二圩駁鹽過橋圖




濟南堆溝港放鹽處圖




板浦太塩埕平太場鹽廩圖



中正場富塩廩圖



淮北鹽由輪船運到二十圩卸載圖



二十圩鹽浦進鹽過磅圖




圖 堆 上 鹽 進 浦 鹽 圩 二 十




圖 之 堆 鹽 內 浦 鹽 圩 二 十




圖 放 掣 堆 開 鹽 南 淮 圩 二 十




圖 放 掣 堆 開 鹽 南 濟 圩 二 十

